

Հրաժարեցնելով Մխիթարեանցը փոխանորդական պաշտօնէն մինչ ցվերջաւորութիւն զննութեան :

Մարտ 11. — Ըստ Հրամանի Ս. Վաթողիկոսի՝ միաբան Մայր Աթոռոյց Մկրտիչ Սարկաւազն Այվազեանց Իգորցի՝ յաղագս անպատեհ գործոցն և անբարոյականութեան՝ իսպառ զըկեցաւ սարկաւազութեան կարգէն, միանգամայն հոգևոր կոչումէն և դասեցաւ ընդ Հարկատուս :

### ԲԱՆՍՍԻՐԱԿԱՆ

#### ՍՈՎՈՐՈՒԹԵԱՆՑ ՆՇԱՆԱԿՈՒԹԻՒՆԸ

(Շարունակութիւն և վերջ : Տէր թիւ 11.)

Լսողութեան գալով՝ մենք ամեն քայլափոխում տեսնում ենք, որ մարդիկ, որոց ականջը շատ է պարապել և վարժուել դաշնակական ձայներով, նոցա լսողութիւնը շատ ընդունակ է կրթութեան և կատարելագործութեան. բայց կարելի է և ուրիշ տեսակ օրինակներ բերել, թէ լսողութիւնն էլ, միւս զգայարանքների պէս ընդունակ է ունակութիւններ ստանալու գրգռողութիւնից : Աղյրերը, որոնք ուրիշներից շատ աւելի լսողութեան պէտք ունին և շատ են գործածում այս զգայարանքը, միջոց են տալիս մեզ համոզվելու, թէ նոցա լսողական զգայարանքը միշտ զորանալու և կատարելագործուելու վրայ է : Բնութեան տեսանելի գեղեցկութիւնները վայելելուց զուրկ լինելու պատճառաւ, լսածներից ուզում են բերկրութիւն քաղել և անյազ ցանկութեամբ լսում են քաղցրանուագ երգերը : Սորանիցն է, որ երաժշտութիւնը ոչ թէ միայն զբօսանք, այլ նաև ապրուստ ճարելու գործ է դարձած նոցա համար : Եւ այս պատճառաւ կոյրերու դաստիարակութեան մէկ նշանաւոր մասն էլ այս գեղարուեստն է համարուած :

Բայց բերենք լսելիքի զարմանալի ունակութեան մի օրինակ, որ Րըշի վկայութեամբ պատմում է Ապէրբրոմպին, Ֆիլագեֆիացի երկու կոյր և հասակով պատանի եղբայր են եղել, որոնք փողոցի մէջ մանգալիս կարողանում են եղել իմանալ փողոցների մէջ տեղ տեղ տնկուած սիւնեկներուն մօտենալը՝ նոցա բոլորտիքը գետնին վրայ կոխած ժամանակ յառաջ եկած մասնաւոր ձայնից : Սորա աղանի-

ներ էլ են եղել պահելիս, փոքրիկ պարտիզի մէջ զբօսանք անելիս, սորա կարողանում են եղել աղանիներու անունները առանձին առանձին տալ, լսելով միայն զխոս վրայով թռչելիս հանած թեւերու ձայնը :

Արդէն հաստատուած բան է, որ կոյրերը աչքով չեն կարող տեսնել իրանց դէմ պատահած մեծ և հաստատուն մարմինները, կարողանում են այնու ամենայնիւ իմանալ իւրեանց այն մարմիններուն մօտենալը մթնոլորտի զիմահարութեան աւելնալուց : Աչքը տեսնող բայց ոչ արհեստական լոյս և ոչ մի ուրիշ առաջնորդ ունեցող մարդ, այնչափ համարձակ չէ կարող մանգալ տան չորս կողմը մութ գիշերը, որքան կոյրը, իւր մնացած զգայարանաց մանաւանդ շօշափողականին նրբութեամբ Բայց թէ ինչ սքանչելի նրբութեան է հասնում շօշափողական ընդունակութիւնը և ինչպիսի զարմանալի ունակութիւն է ստանում նա, կարող ենք տեսնել արդէն յիշած Յակոբոս Միչէլի վերայ, որ բացի կուրութիւնը, լսողութիւնիցն էլ զուրկ էր, սա առանց տարակուսանաց իւր սեպհական բաները շօշափելով էր որոշում, թէ և իրանը և ուրիշներ ճիշդ միևնոյն ձևի, միևնոյն նիւթից շինուած լինէր : Եւ զարմանալին այն է, որ պզտիկուց իրանց տան բոլորտիքը երկու հարիւր կանգունի չափ տեղ այնպէս որոնել, ինչ կայ չկայ տեղնիտեղը հասկացել էր, որ սովորութիւն էր արել, առանց առաջնորդի՝ անվաս՝ համարձակ որ կողմն և կամենար՝ ման գալ :

Աւերջապէս՝ տեսողականութեան վերաբերութեամբ էլ տեսնում ենք սովորութեան ազդեցութիւնը. աչքը մինչև այն աստիճան կարող է սրանալ, որ ուրիշներու չը տեսած հազարաւոր բաները տեսնէր. այս ունակութիւնը մանաւանդ ուժեղացած ենք տեսնում խուլերու վրայ, որոնք կան այնպիսի օրինակներ, որ կարողանում են ուրիշների ասածը շրթունքներու շարժումներից հասկանալ քիչ շատ և երբեմն շատ մեծ ճշգրտութեամբ : Այս բանը այնպիսի մի ընդհանուր բան է, որ հաստատութեան կարօտ չէ և հնարաւոր լինելու շատ վաւերական իրողութիւնների վկայութիւն կարող էինք բերել, բայց բաւականանանք մէկ օրինակով : Պըրնէդ նյիսկոպոսը իւր մէկ նամակի մէջ այսպիսի մի աղջիկ է պատմում : "Երկու տա-

րեկան էր, ասում է, իմացուեցաւ որ ականջները  
խուլացել են. այն ժամանակից՝ դէսը ինչ որ խօս-  
ուէր, չէր իմանայ. թէպէտ և բարձր ձայն որ  
հասնէին խում էր, բայց չըմպատողները չըթմանց  
չարժմունքը դիտելով, այնչափ բառ սովորեցաւ,  
որ նոցանով ծածկարանութեան պէս մէկ բան շի-  
նեց. պատահում էր, որ սորանով խօսողներու հետ  
խօսակցում էր մինչև ի երևելոյ, Բայց մինչև որ խօ-  
սողի չըթմունքներու շարժումները չը տեսնէր, ա-  
մենեկին բան չէր հասկանար: Ընդ սմին սորա շօ-  
շափողական ունակութիւնն էլ սաստիկ նրբացած  
էր՝ «Սա մէկ քոյր ունէր, շարունակում է: Պըր-  
նէզը, որոյ հետ ամենից շատ կը խօսէր իւր յօ-  
րինած լեզուով. գիշերը ձեռքը նորա բերանի վե-  
րայ դնելով, հասկանում էր նորա ասած խօսքերը,  
և այսպէս մութ ժամանակն էլ խօսակցում էր իւր  
քրոջ հետ»:

Անընդհանրութիւնները մենք յարմար ենք  
համարում յառաջ բերել այստեղ Բէյխի խօս-  
քերը. «Ոչ թէ միայն մարդիկ, այլ և երեսնաները,  
անխելքները և անբաններն էլ, ասում է նա, ի  
ծնէ չունեցած հմտութիւնները ստանում են սո-  
վորութիւնով և ունակութիւնով, Մարդկանց  
գլխի մէջ ամեն պարագաները, որպիսի թող և իցէ,  
տալիս է միշտ գործողին իւրեան յատկացեալ այս  
տեսակ հմտութիւններ, Հովիւր իւր հօտի ամեն  
մի ոչխարը ճանաչում է, ինչպէս որ մենք մեր ծա-  
նօթները տեսնելիս իսկոյն կը ճանաչենք. և եթէ  
նորա հօտը մի ուրիշ հօտի հետ խառնուի, նա  
իւր ոչխարները մէկ մէկ կը ջոկէ առանց սխալվե-  
լու: Մտազործը իւր ոչխարներու և արջառներու  
վերայ գցած մէկ նայեացքից արդէն իմանում է,  
գեռ ևս չը մորթած, թէ ի՞նչպիսի որակութիւն  
և որչափ ծանրութիւն ունին նոքա: Երկրագործը  
խոտի դէզը և ցորենի շեղջը կարողանում է աչ-  
քով կշռել, և որքան բան լինելը իսկոյն ասում,  
Նաւաստին՝ նաւը դեռ իրանից շատ հեռու՝ նորա  
ինչ տեսակ շէնք ունենալը. և մէջը ի՞նչ բեռ և  
որչափ հեռու լինելը որոշում է: Չեռագրի վարժ  
մարդը դիրը տեսնելով, իսկոյն և եթէ ճանաչում է  
իւր բարեկամը, Փորձառու պատկերահասնի ձեռքը  
պատկեր ընկած ժամանակ, կարողանում է իմա-  
նալ, եթէ ինչ երևելի նկարչի գործ է այն: Միով  
բանիւ ամեն մարդ մէկ մէկ ստացական հմտութեան

է ունենում իւր զբաղմունք արած գործին և նո-  
րան նուիրած սիրոյն ուշադրութեան և վարժու-  
թեան համեմատ»:

Երխտոտեղէն՝ իմաստութիւնը, խոհմտութիւնը,  
ողջամտութիւնը, դիտութիւնները և արհեստները,  
առաքինութիւնը և կեղծաւորութիւնը, անառա-  
կութիւնը բոլորն էլ սովորութիւններ էր կոչում.  
և եթէ նա սորանով ուղում էր ասել, թէ բոլոր  
այս յատկութիւնները գրգռողութիւնիցն են ու-  
ժեղանում և ամրապնդում, ապա ուրեմն նորա  
միտքը միանգամայն ճշմարիտ էր, «Մի կարող է,  
հարցնում է Բէյխը, երկմտի սովորութեան ուժի  
և ազդեցութեան մասին, տեսնելով, թէ ինչպէս  
մարդիկ անհաստատ են առ հասարակ մի որ և իցէ  
բանի համար սուած իւրեանց բաղմամբ խօս-  
տուններին և երգումներին, վկայութիւններին, և  
օրինաւոր պարտաւորութիւններին և հանդիսաւոր  
խօսքերին. թէ ինչպէս նոքա այսպիսի խոստում-  
ներից յետոյ, ասում են և կատարում են միևնոյն  
իսկապէս, ինչ որ և առաջ անում էին. կարծես  
թէ, նոքա բոլորեքեանք ոչ այլ ինչ են, եթէ ոչ  
սովորութիւնով մեքնաններ լարած», Մարդիկէն  
ասում է ևս, թէ բան կատարելու մէջ կարելի  
չէ յոյս դնել և հաւատ ընծայել ոչ մարդու  
բնութեանը և ոչ նորա ամենահանդիսաւոր խոս-  
տուններին, եթէ երկուսն էլ չեն ամրապնդած  
և պայմանաւորված սովորութիւնով, Աէիբնիցը  
մարդու մտածածի, խօսածի և արածի, միով  
բանիւ բոլոր կեանքի երեք քարոտրդը սովորու-  
թեանն է վերադրում. Իսկ եթէ Բէյխը մի  
տեղում ասում է, թէ, «Մարդու մարքը և այլ  
զաղափարները կախուած են նորա հակումներից և  
ճաշակից, խօսակցութիւնը — դիտումութիւնից և  
վարժապետներից, որոց մօտ ուսում է առել, և այն  
կարծիքներից, որ նա ընդունել է, բայց թէ գործը  
կախուած է միմիայն սովորութիւններից — ապա ու-  
րեմն սովորութեան ասպարէզը այսպէս միմիայն  
գործնական կեանքի մէջ սահմանափակելը սխալ է,  
որովհետև Բէյխը ուշադրութիւն չի դարձրել հա-  
կուած, հաշի, հաստ, հարձի, բառերի իմաստ-  
ին. ապա թէ ոչ նա, անկասկած, կը նկատէր,  
որ այս բոլոր բաների մէջ որ նա հարկադրում է  
սովորութեանը, դոյն այդ սովորութիւններն և

ընտելմունքներն են առաւելապէս, թէև ոչ բացարձակապէս, զեր՝ խաղում:

Եթէ սովորութիւնը պայպիսի ընդարձակ ասպարէզ է ներկայացնում, ապա ուրեմն ի՞նչ մեծ նշանակութիւն պէտք է ունենայ նա մարդու բոլոր կեանքում, թէ բարոյական և թէ մտաւորական կողմից: Խորամխտ Չեպսպերը, որ ամենից լաւ էր ճանաչում մարդկային հոգւոյ բոլոր շարժումները, ասում է, թէ սովորութիւնը երբեմն մի հրդէհ է, որ լսւում է մարդու զգացմունքները, և երբեմն նորա պահապան հրեշտակն է լինում: Եւ իրաւ, մարդկային բնաւորութեանց բոլոր պէսպիսութիւնը զիտեղով՝ մենք նկատում ենք, որ բարի սովորութիւնը մի բարոյական հիմնադրութիւն է մարդու համար, որ աճում է անդադար և որոյ տոկոսիքներով շահւում է մարդս բոլոր իւր կեանքում: Սովորութեան հիմնադրութիւնը, ինչպէս էլ որ զբամական հիմնադրութիւնը անտեսական ասպարէզում, աճում և բազմանում է գործածելուց և միջոց է տալիս իւր տիրոջը առաւել և առաւել պտղաւէտ կացուցանել իւր ամենաթանգազին զօրութիւնը՝ զիտակցական կամքի ոյժը. ընդ սմին նա կարող է անդադար և առաւել ու առաւել բարձրացնել իւր կեանքի բարոյական շինուածքը, կարիք չ'ունենալով ամեն անգամ սկզբից սկսել նորան և ՚ի զուր փձացնել իւր զիտակցութիւնը և կամքը այն զժուարութիւնները յաղթելու համար, որոնք մէկ անգամ արդէն յաղթուած են եղել: Առնենք օրինակի համար մի ամենահասարակ սովորութիւն, այն է կարգ ու կանոն պահելու սովորութիւնը, ինչպէս սեպհական նիւթերի դասաւորութեան, նոյնպէս և սեպհական ժամանակը կարգադրելու վերաբերութեամբ: Այն մարդը, որի համար այս սովորութիւնը դարձել է մի հարկաւորութիւն, բայց և անզիտակցաբար կատարելիս հարկաւորութիւն, որքան ոյժ և ժամանակ է պահպանում ՚ի զուր կորցնելուց. որովհետև նա հարկաւորուած չէ ամենայն բոպէ դառնալ գէպ ՚ի իւր զիտակցութիւնը կարգ ու կանոնի հարկաւորութեան մասին, և բռնաբարել իւր կամքը յիշեալ կարգ ու կանոնը իւր կեանքում մոցնելու և հաստատելու համար. այսպիսի մարդը միանգամայն ազատ ունենալով կարգ պահելու հարկաւորութեան մէջ իւր այս երկու ոյժը, զիտակցութիւնը և կամ-

քը, կարող է գործադրել նոցա մի առաւել կարեւոր բանի:

Բայց եթէ լաւ սովորութիւնը բարոյական հիմնադրութիւն է, ապա ուրեմն և վատ սովորութիւնը, նոյնպէս և նոյն չափով, չէ անորոշած բարոյական ոյժը: Եւ, որ իւր անդադար աճող տոկոսիքներով կարող է տանջել մարդու հոգին՝ փձացնել և ՚ի դերև հանել սկզբիցն և եթ բոլոր նորա գեղեցիկ սկսուածները և հասցնել վերջապէս նորան բարոյական սնանկութեան, Քանի՞ գեղեցիկ սկսուածներ և որքան գեղեցիկ մարդիկ փձացնել են վատ սովորութիւնների պատճառով, Գլխուար չէր լինելու վատ սովորութիւնից ազատուիլը, եթէ միայն բաւական լինէր գործ գնել իւր վերայ թէ և ամենամեծ ոյժ, բայց թէ միանգամից արմատահան լինէր վատ սովորութիւնը, Մարդս ուրախութեամբ կտրել կտար իւր ձեռքը կամ ոտքը, եթէ մի և նոյն ժամանակ կարողանային կտրել նորանից նորա բոլոր կեանքը թունաւորող վատ սովորութիւնը, Բայց բանն էլ այն է, որ սակաւ առ սակաւ և կամաց կամաց արմատացող սովորութիւնը արմատահան է լինում, նոյնպէս սակաւ առ սակաւ և երկարատե պատեւազմելուց յետոյ, Մինչդեռ կենդանի է մարդս, նա կարող է միշտ փոխուիլ և բարոյական անկման ամենախորը վիճից բարձրանալ բարոյական կատարելութեան մինչ ամենալեթին աստիճանը: Մարդկութեան այս համոզմունքը քրիստոնէութեան պտուղն է, որ ազատելով նորան ժառանգական մեղքից և հիներու անբողոքելի և անզերծանելի բարդից, տուեց նորան անձնական ազատութեան մեծ և կենսական սկզբունքը:

Իսկ որ ինչ վերաբերում է սովորութեան նշանակութեանը ուսում առնելու մէջ, այս այնքան պարզ է, որ աւելորդ է մինչև անգամ որ և իցէ երկարաբանութիւն: Չկայ մի այնպիսի գիտութիւն, որի մէջ սովորութիւնը զլիսաւոր զեր չը լինէր խաղում, օրինակի համար մանկալու, խօսելու, կարդալու, գրելու, հաշուելու, նկարելու և այլն և այլն գիտութիւնների մէջ, Մինչև անգամ այնպիսի գիտութիւններ, որոնց համար հարկաւոր է ամենազարգացեալ զիտակցութիւն, կազ ՚ի կազ պէտք է գնային առ անց սովորութեանց. զորօրինակ մամլեմամլիկայի մէջ սովորութիւնը շնչին զեր չէ խա-

ղում. Եթէ մեզ հարկաւոր լինէր ամեն անգամ մտարերել, թէ 2 անգամ 7 հաւասար է 14 ին, ապա սաստիկ պէտք է խանդարէր այս բանը մեր մտածանաթիւրական հաշիւներ անելուն. բայց սովորութիւնը հասցրել է մեզ այն աստիճանի որ էրկուստե՛ս էլ ասելիս, մեր ընդուն իսկոյն և եթ արտասանում է, իսկ ձեռքը գրում ~~բանալար~~։ Ամեն արտասանած խօսքի մէջ, բառ գրելիս ձեռքի արած ամեն շարժումների մէջ ամեն արուեստի մէջ սովորութիւնը իւր նշանաւոր մասն ունի. անկարելի կը լինէր մեզ մեր մտքերը յայտնել, եթէ անդադար հարկադրված լինէինք մտարերելու, թէ ինչպէս պէտք է շարժենք ընդուն և շրթունքները այս կամ այն գաղափարը յայտնելու համար։ Ամիսներով պէտք է գրէինք մի շնչին նամակ, եթէ ձեռքը ինքն իրան չը շարժուէր ամեն մի տառ գրելիս, այլ պահանջէր մեզանից զանազան մտարերութիւններ, Թէ մինչև որ աստիճանի են հասնում ձեռքի սովորութիւնները, գեղեցիկ օրինակ կարող է լինել այն բանը, որ երբ մարդս մտանում է, օրինակի համար, թէ այսինչ բառի մէջ որ տառը պէտք է գործածել, - թէ էլ, այն ժամանակ բաւական է շտապով և առանց մտածելու գրել նոյն բառը և ձեռքը ինքն իրան կը վճռէ մեզ այդ հարցը։ Այսպիսի հազարաւոր օրինակներ կարելի է ցոյց տալ բոլորն էլ այն եզրախօսութեան կը բերեն, որ եթէ մարդս ընդունակ չը լինէր սովորութեանց, ապա և կարող չէր լինի ոչ մի քայլ յառաջ դնալ իւր զարգացման մէջ. որովհետև ամեն քայլափոխում նա պէտք է պատահէր հազարաւոր դժուարութիւնների, որոնց աննշանակի կերպիւր յաղթում են սովորութիւնները, ազատ կացուցանելով մեր միտքը և կամքը նոր գործերի և նոր յաղթութիւնների համար, Բերենք էլի մի օրինակ, որ ցոյց է տալիս, թէ սովորութիւնը հեշտացնում և թեթեւացնում է մարդու յառաջադիմութեան ճանապարհը, Եթէ մարդս հարկադրուած լինէր ամեն քայլափոխում այնքան ոյժ գործածել մանզարու սաստիկ դժուարութիւնները յաղթելու համար, որքան գործ է ածել նա երեսխայտութեան ժամանակ, ապա ի՛նչպէս կապուած և կաշկանդուած պէտք է լինէր նա, ուրեմն և որքան յետ պէտք է մնար իւր յառաջադիմութեան մէջ. սովորութեան շնորհքն է միայն, որով նա

ման է զայիս առանց նշանակու և զգալու այնպիսի դժուարութեանց, որոնք հազիւ թէ կարող էր յաղթել անբան կենդանին, եթէ որ նա ՚ի բնէ չունենար այդ ընդունակութիւնը, Ահա ուրեմն ինչ պատճառաւ այն դաստիարակութիւնը, որ անուշաղիթ թողնէր աշակերտներին օրտաւէտ սովորութիւններ հաղորդելու հարցը, և աշխատէր միմիայն նոցա մտաւորական զարգացման մասին, կը զօրէր անշուշտ նոյն զարգացումը այլ ուժեղ միջոցից, որ ներկայացնում են մեզ սովորութիւնները։

Անդդիացիք իւրեանց դաստիարակութեան մէջ, առաջին տեղն ընծայում են լաւ լաւ սովորութիւններ հաղորդելու խնդրին, Արթուրութեան հիմնադրութիւնը, ասում են նոքա, սովորութեան ոյժգնութեան մէջն է պարունակվում, Եւ իրաւ, ինչպէս որ ուսումը ոչ այլ ինչ է, եթէ ոչ գաղափարներու հաղորդութիւն, նոյնպէս և կրթութիւնը - սովորութիւններ յատկացնելն է. և քանի ուժեղ են արմատացնում մարդու բնաւորութեան մէջ լաւ լաւ սովորութիւններ, նոյնքան հաստատահիմն է և նորա կրթութիւնը, և սորա վերաբերութեամբ դաստիարակի ձեռքին, ուժեղ գործիք են ուսումնարանները, ուր սովորութեան հետ միատեղ ներգործում է և օրինակը "Եթէ սովորութիւնը, ասում է Բէկմոնը, այնքան իշխող է իւրաքանչիւր անհատի վերայ առանձին, ապա ուրեմն անհամեմատ ուժեղ պէտք է լինի նորա իշխանութիւնը մարդու վերայ, երբ նա կապակցուած է միւսների հետ ՚ի մի ընկերութիւն, կամ հասարակութիւն, ինչպէս և զօրախումբերում, ուսումնարաններում, մենաստաններում և այլ սոյնպիսի պայմաններում։ Այսպիսի պարագաներում օրինակը ինքը ուսուցանում է և ընթացք հաղորդում. ընկերակցութիւնը օգնում է և ոյժ տալի, նախանձաւորութիւնը գրգռում է և զրգում. վերջապէս և մեծարանքը աշուտացնում է հոգին և գեղեցիկ ձգտումներ հաղորդում, այնպէս որ այս բոլոր բարեպատեհ պարագաներից ՚ի միասին սովորութիւնը առաւել և առաւել ուժեղանում է և իւր վերջին ծայրին հասնում։ Միանգամայն ուղիղ և հասկանալի է այս, որովհետև եթէ սովորութիւնը և օրինակը միատեղ և յօդուտ միմեանց են ներգործում, ապա և համարեալ ոչ մի զորութիւն կարող չէ մարտել նոցա դէմ։ Ահա ի՛նչ

պատճառաւ, որինակ, այն կրթեարանները, որոնք հաստատ լինելով միշտ և անընդհատ մի վազուց որոշեալ ուղղութեանը և ուղւոյն, մի և նոյն ժամանակ և անսխալօրէն կն իւրեանց գործողութիւններում, աներկբայելի և հաստատուն իւրեանց պահանջներն են: Այսպիսի կրթեարաններին, ատում եմ, յատկացնել անշուշտ այն դաստիարակական ոյժը և ազդեցութիւնը, որ ունին Անգղիացւոց և Ամերիկացւոց ուսումնարանները և որին զարմնացած է մնացել անբողջ Աւրոպան:

Ն. Սալապիէի հոռէ:

Ս. Գետեքոյրց:

**ՅՈՐԴՈՐ**

Ի ՍԷՐ ԱԶԳԱՅԻՆ ԳՐԱԿԱՆՈՒԹԵԱՆ

Անտարակոյն եմ, թէ իւրաքանչիւր բարեմիտ անձն կը հաւանի, որ այսօրուան լուսաւորեալ ազգերը միայն մարդութեան, մարդասիրութեան բարձր աստիճանին, և հետևաբար երջանկութեան հասած են, որոնց մայրենի լեզուի գրականութիւնը օր ըստ օրէ հարստացաւ յատա՛յ կ'զիմէ ձոխ և ամենեցուն հասարակաբար հասկանալի դիւրին ուձով. և այս ամենահարկաւոր առարկայն է եղել մինչ ցայսօր առաջին և ամենազգիտաւոր միջոցն զէպ 'ի լուսաւորութիւն, զէպ 'ի նորանոր գիտութիւններ և առողջամիտ հասկացողութիւններ յառաջ գնալու: Ամենայն մի լուսաւորեալ ազգի մէջ բարձր արձանի նման կանգնած է այս անհերքելի ճշմարտութիւնն, թէ ամենայն մի անհաստ սրբազնագոյն պարտք պէտքէ համար է իւր մայրենի լեզուի ուղւոյն արեւը որ կ'զօրեն նորահոգեկան կարողութիւններն. որպէս զի այնուհետև օտար լեզուներն ուսմամբ գրականութեան մէջ կարողանայ անսպթմար յատա՛յ զնալ առաջնորդ ունելով ինքեան իւր ազգի գրականական ամրապինդ գաւազանը, որպէս զի կարող լինի իւր ազգութեան ներքին սահմաններն թեւակոխել, ճանաչել քաջապէս թէ զո աստիճանի վերայ կանգնել է իւր ազգային լեզուի գրականութիւնը, թէ արդեօք կ'բարձրանայ այն նոյն աստիճանից, թէ ընդհակառակն ներքև կ'իջանէ, և վերջապէս ճանաչել ինքն իրան՝ ուրիշներին ուղղապէս ճանաչելու համար:

և ամենայն մի լուսաւոր ազգն այս՛ ճշմարտութեան սրբազան յարգը զիտելով, յատա՛յ կ'քայլափոխէ զայն ինքեան միայն ունելով ուղեցոյց զէպ 'ի լուսաւորութիւն, և եթէ սրատես աչօք նկատենք, կ'տեսնենք, որ չկայ մի այնպիսի ազգ, որ լուսաւորութեան, այն է՝ բարոյական և նիւթական երջանիկ վիճակով փայլի, թէ ինչ նորա գրականութիւնը ձոխաբար և արագապէս յատա՛յ չի ընթանալ զէպ 'ի կատարելութիւն. չկայ այնպիսի ազգ մի, որ համազգային բարօրութեան հասած լինի, և ուշադրութիւն և հետաքրքրութիւն զբաւած լինի իւր վերայ, եթէ չունի իր սեպհական լեզուն և հետևաբար գրականութիւնը: Այս ճրջմարտութիւնը և իմեր Հայկեանս ազգի մէջ ճանաչուել է այն և ամենայն մի անհաստ պարտաւոր է աշխատել սորա վերայ կանգնելու իր գիտութեան հիմն, զի առանց այս հիման անհաստատ է ամենայն մի գիտութիւն. և ո՛ր և իցէ լեզուագետ անձն եթէ ծանօթ չէ իւր մայրենի լեզուին ներքին ուղւոյն, անկարծիք նորա գիտութիւնը արմատական չէ, և նա ինքն էլ ճանաչելով այս անուղղելի պակասութիւնը, աւաղ կը կարգայ իր վերայ, Հանգիստ սուրբ ոսկերաց մեր մատենագիրներն, որոց ճիշդ եղաւ Հայոցս գրականութեան զուրիւր պակեղ զարնեայ սրակներով. այն անմտաց կ'մնան ամենայն մի հայագէտ սրտից մէջ Խորենացւոյ, Ազիշէի, Եամիրոնացւոյ, Ընորհալւոյ և այլոց մեր հոգեկնց վարդապետների անունները, զորոնք մի առ մի թուել կարիք չկայ այսօր, հաւատալի լինելով թէ իւրաքանչիւր հայի ճիշն եղած լինի զրիկ Հոգւոյ մէջ այն Սրբազան Կատենագիրների անուններն և աւանդներն, որոնք Հայկական գրականութեան պարտիզն մէջ որպէս անուշահոտ վարդեր և շուշաններ են հանդիսացել, և միով բանիւ զեղեցկազարդ զարնան բաղմարեղուն, ախորժելի և օգտաւէտ պտուղներ, Ամենայն մի ազգի նշանակութիւնը կ'որոնուի իր գրականութեան հետքերի մէջ. ամենայն մի ազգ կ'սրածի իր գրականութեամբ, և աւելի ևս պարծանաց և ուշադրութեան արժանի լինելու և իրական երջանկութեան տարրը ընդունելու համար կ'աշխատի օր քան զօր ձոխացնել նորան հարուստ և դիւրահասկանալի ոճերով. ուստի և ահա՛ այսօրուան օրս լուսաւորեալ ազգաց անուններն անգամ պատկառելի են ամենայն մի